

唐代治黄文选

黄河水利委员会黄河志总编辑室

上册



河南史志资料丛编之二

# 历代治黄文选

上册

黄河水利委员会黄河志总编辑室

河南人民出版社

# 历代治黄文选

## 上册

黄河水利委员会黄河志总编辑室编

河南人民出版社出版

开封市医西印刷厂印刷

850×1168毫米 32开 16.375印张 403千字

1988年7月第一版 1988年7月第一次印刷

印数 1—3000册

ISBN 7—215—00380—9/K·98

---

定价 4.50元

# 前 言

治黄历史之悠久，史料之丰富，在我国江河中是少见的。但有关资料散见于各种文献，查阅起来相当困难。为便于治黄工作人员和“黄学”爱好者的研究，我们拟在多卷本《黄河志》内列入《历代治黄文选》。现在，应一部分同志的要求，决定先选一批治黄文献，作为《历代治黄文选》的上册暂行刊印。本册上起西汉，止于清代，文后附有作者简介，全书最后并附了《历代黄河论著提要》。民国以来的有关治黄文章，待搜集校订后作为下册另行刊印成书。

本书是在黄河水利委员会原主任王化云及主任龚时旻、副主任杨庆安的大力支持下，在离休干部葛行及黄河志总编辑室徐福龄、袁仲翔、王质彬的共同关怀下完成的。文章由葛行初选校订，王质彬审核定稿。王延昌、林观海、栗志、侯起秀、王梅枝、郑胜利、李曼丽、许芳晔等参加了部分工作。由于参与这一工作的同志水平所限，不妥与讹误之处定所难免，敬希专家学者与广大读者给予指正。

本书在编选出版过程中，不少专家学者提出了宝贵意见，河南省地方志编委会石小生等同志也给了大力帮助，在此一并致谢。

黄河水利委员会黄河志总编辑室

1987年7月

## 目 录

|           |            |
|-----------|------------|
| 河渠书       | 司马迁 ( 1 )  |
| 沟洫志       | 班 固 ( 5 )  |
| 治河疏       | 崔 楷 ( 15 ) |
| 导河形胜书     | 李 垂 ( 17 ) |
| 疏河利害      | 李 垂 ( 19 ) |
| 堵塞决口东复故道  | 贾昌朝 ( 20 ) |
| 反对堵口回河疏   | 欧阳修 ( 22 ) |
| 故道不可复再论   | 欧阳修 ( 24 ) |
| 徐塞北流议     | 司马光 ( 27 ) |
| 河决非天灾     | 文彦博 ( 28 ) |
| 澶州灵津庙碑文   | 孙 洙 ( 29 ) |
| 黄河三患      | 王 觐 ( 33 ) |
| 回河议       | 安 燾 ( 34 ) |
| 河北流七害     | 王岩叟 ( 35 ) |
| 反对回河议     | 苏 辙 ( 36 ) |
| 再论不宜回河    | 苏 辙 ( 38 ) |
| 论修河事      | 苏 轼 ( 40 ) |
| 禹之所以通水之法  | 苏 轼 ( 42 ) |
| 黄河        | 曾 巩 ( 44 ) |
| 堤埽利病      | 沈 立 ( 45 ) |
| 北流顺下不可回河说 | 范百禄 ( 47 ) |

|                    |     |         |
|--------------------|-----|---------|
| 北流顺下河不宜回再论·····    | 范百禄 | ( 48 )  |
| 河议·····            | 赵 偁 | ( 50 )  |
| 治河两议·····          | 张商英 | ( 52 )  |
| 宽立堤防议·····         | 任佰雨 | ( 54 )  |
| 至正河防记·····         | 欧阳玄 | ( 55 )  |
| 治河议·····           | 宋 濂 | ( 61 )  |
| 言沙湾治河三策疏·····      | 徐有贞 | ( 63 )  |
| 濮州新开河渠记·····       | 商 辂 | ( 65 )  |
| 议疏黄河筑决口状·····      | 刘大夏 | ( 67 )  |
| 定讦谟以祛河患疏·····      | 徐 恪 | ( 69 )  |
| 请差官治河疏·····        | 费 宏 | ( 73 )  |
| 治河通运以济国储疏·····     | 胡世宁 | ( 75 )  |
| 理河事宜疏·····         | 周 用 | ( 79 )  |
| 黄河·····            | 陆 深 | ( 83 )  |
| 预处黄河水患疏·····       | 马 卿 | ( 84 )  |
| 论治河理漕疏·····        | 黄 绶 | ( 90 )  |
| 治河六柳·····          | 刘天和 | ( 94 )  |
| 处河患恤民穷以裨治道疏·····   | 王 軌 | ( 97 )  |
| 议处黄河疏·····         | 霍 韬 | ( 100 ) |
| 治河疏·····           | 朱 衡 | ( 103 ) |
| 论河道四疏·····         | 翁大立 | ( 104 ) |
| 贺官保大司空镇山朱公考绩序····· | 殷士儋 | ( 107 ) |
| 答河道吴自湖·····        | 张居正 | ( 109 ) |
| 预防黄河迁徙疏·····       | 王宗沐 | ( 110 ) |
| 亟行修筑河堤以保运道疏·····   | 万 恭 | ( 112 ) |
| 以人治河不若以河治河·····    | 万 恭 | ( 116 ) |
| 西北水利议·····         | 徐贞明 | ( 117 ) |
| 两河经略疏·····         | 潘季驯 | ( 131 ) |

|                |             |
|----------------|-------------|
| 题为条列河工事宜疏····· | 潘季驯 ( 136 ) |
| 黄河来流艰阻疏·····   | 潘季驯 ( 139 ) |
| 河议辨惑·····      | 潘季驯 ( 142 ) |
| 黄河分流疏·····     | 杨一魁 ( 157 ) |
| 治河议·····       | 赵用贤 ( 159 ) |
| 分黄道淮议·····     | 支大纶 ( 163 ) |
| 报上源水患疏·····    | 李三才 ( 165 ) |
| 河议·····        | 黄承玄 ( 168 ) |
| 黄河浚塞议·····     | 李之藻 ( 171 ) |
| 治河五奏·····      | 朱之锡 ( 176 ) |
| 全河备考·····      | 叶方恒 ( 182 ) |
| 治河要论·····      | 靳 辅 ( 190 ) |
| 治河余论·····      | 靳 辅 ( 198 ) |
| 治河工程·····      | 靳 辅 ( 208 ) |
| 防河事宜疏·····     | 靳 辅 ( 216 ) |
| 论贾让治河奏·····    | 靳 辅 ( 221 ) |
| 论贾鲁治河·····     | 靳 辅 ( 223 ) |
| 河防述言·····      | 张霭生 ( 225 ) |
| 治河淮策·····      | 鲁之裕 ( 248 ) |
| 治河说·····       | 徐乾学 ( 251 ) |
| 治河策上·····      | 朱泽澐 ( 253 ) |
| 治河策下·····      | 朱泽澐 ( 257 ) |
| 河防说·····       | 庄亨阳 ( 260 ) |
| 论河·····        | 胡 渭 ( 263 ) |
| 论黄淮要领·····     | 张鹏翮 ( 273 ) |
| 论治清口·····      | 张鹏翮 ( 275 ) |
| 论逢湾取直·····     | 张鹏翮 ( 278 ) |
| 河防志略·····      | 张鹏翮 ( 280 ) |

|                  |             |
|------------------|-------------|
| 敬陈治河条例疏·····     | 张鹏翻 ( 283 ) |
| 治河杂论·····        | 张伯行 ( 286 ) |
| 贾让治河论·····       | 夏 駟 ( 289 ) |
| 贾让治河论二·····      | 夏 駟 ( 291 ) |
| 合龙闭气说·····       | 嵇曾筠 ( 294 ) |
| 贾鲁治河·····        | 赵 翼 ( 296 ) |
| 治河论·····         | 裘曰修 ( 298 ) |
| 治河策上·····        | 裘曰修 ( 301 ) |
| 治河策下·····        | 裘曰修 ( 304 ) |
| 沙宜去·····         | 冯祚泰 ( 306 ) |
| 沙宜留·····         | 冯祚泰 ( 310 ) |
| 二难·····          | 刘永锡 ( 313 ) |
| 治河要语·····        | 丁恺曾 ( 316 ) |
| 治黄治清四条疏·····     | 百 龄 ( 331 ) |
| 查勘海口束刷通畅疏·····   | 百 龄 ( 335 ) |
| 挑溜刷滩以逸待劳·····    | 康基田 ( 337 ) |
| 勘办海口淤沙情形疏·····   | 吴 璥 ( 339 ) |
| 复奏黄河治淤情形疏·····   | 吴 璥 ( 342 ) |
| 拟改河由六塘河归海疏·····  | 戴均元 ( 345 ) |
| 筹全河治清口疏·····     | 铁 保 ( 348 ) |
| 论黄河不宜改道书·····    | 陈文述 ( 351 ) |
| 筹挽河归海情形疏·····    | 徐 端 ( 353 ) |
| 安东改河议·····       | 张 井 ( 356 ) |
| 砖工记·····         | 蒋湘南 ( 361 ) |
| 查复东河碎石工程进行疏····· | 林则徐 ( 363 ) |
| 筹河篇·····         | 魏 源 ( 366 ) |
| 论治河优劣·····       | 包世臣 ( 378 ) |
| 对坝逼溜说·····       | 包世臣 ( 381 ) |



|                   |             |
|-------------------|-------------|
| 筹河刍言·····         | 包世臣 ( 382 ) |
| 治河挑浅议·····        | 徐旭旦 ( 384 ) |
| 改河道议·····         | 冯桂芬 ( 386 ) |
| 修筑堤堰以资防守·····     | 苏廷魁 ( 390 ) |
| 河事三策·····         | 曾国藩 ( 394 ) |
| 治河两策·····         | 乔松年 ( 395 ) |
| 沥陈黄水情形请饬会议疏·····  | 李宗羲 ( 398 ) |
| 复徐淮故道以维大局议·····   | 丁宝桢 ( 401 ) |
| 议复马颊河不宜开挖分流疏····· | 李鸿章 ( 403 ) |
| 黄运两河治理意见·····     | 李鸿章 ( 407 ) |
| 河工大治办法议·····      | 李鸿章 ( 413 ) |
| 奏陈河病·····         | 吴元炳 ( 428 ) |
| 建坝挑溜河患自轻·····     | 吴大澂 ( 431 ) |
| 治河三法·····         | 游百川 ( 433 ) |
| 治河说·····          | 刘 鹗 ( 435 ) |
| 山东治河续说·····       | 刘 鹗 ( 439 ) |

## 附录

|               |             |
|---------------|-------------|
| 历代治黄著作提要····· | 郭 涛 ( 443 ) |
|---------------|-------------|

# 河 渠 书

司 马 迁

夏书曰：禹抑洪水十三年，过家不入门。陆行载车，水行载舟，泥行蹈屨、山行即桥。以别九州，随山浚川，任土作贡。通九道，陂九泽，度九山。然河菑衍溢，害中国也尤甚。唯是为务。故道河自积石历龙门，南到华阴，东下砥柱，及孟津、洛汭，至于大邳。于是禹以为河所从来者高，水湍悍，难以行平地，数为败，乃厮二渠以引其河。北载之高地，过降水，至于大陆，播为九河，同为逆河，入于勃海。九川既疏，九泽既洒，诸夏艾安，功施于三代。

自是之后，荥阳下引河东南为鸿沟，以通宋、郑、陈、蔡、曹、卫，与济、汝、淮、泗会。于楚，西方则通渠汉水、云梦之野，东方则通（鸿）沟江淮之间、于吴，则通渠三江、五湖。于齐，则通菑济之间。于蜀，蜀守冰凿离碓，辟沫水之害，穿二江成都之中。此渠皆可行舟，有余则用溉浸，百姓飡其利。至于所过，往往引其水益用溉田畴之渠，以万亿计，然莫足数也。

西门豹引漳水溉邺，以富魏之河内。

而韩闻秦之好兴事，欲罢之，毋令东伐，乃使水工郑国间说秦，令凿泾水自中山西邸瓠口为渠，并北山东注洛三百余里，欲以溉田。中作而觉，秦欲杀郑国。郑国曰：“始臣为间，然渠成亦秦之利也。”秦以为然，卒使就渠。渠就，用注填阡之水，溉泽卤之地四万余顷，收皆亩一钟。於是关中为沃野，无凶年，秦以富强，卒并诸侯，因命曰郑国渠。

汉兴三十九年，孝文时河决酸枣，东溃金堤，于是东郡大兴卒塞之。

其后四十有余年，今天子元光中，而河决於瓠子，东南注巨野，通于淮、泗。于是天子使汲黯、郑当时兴人徒塞之，辄复坏。是时武安侯田蚡为丞相，其奉邑食郿。郿居河北，河决而南则郿无水菑，邑收多。蚡言于上曰：“江河之决皆天事，未易以人力为强塞，塞之未必应天。”而望气用数者亦以为然。于是天子久之不事复塞也。

是时郑当时为大农，言曰：“异时关东漕粟从渭中上，度六月而罢，而漕水道九百余里，时有难处。引渭穿渠起长安，并南山下，至河三百余里，径，易漕，度可令三月罢；而渠下民田万余顷，又可得以溉田；此损漕省卒，而益肥关中之地，得谷。”天子以为然，令齐人水工徐伯表，悉发卒数万人穿漕渠，三岁而通。通，以漕，大便利。其后漕稍多，而渠下之民颇得以溉田矣。

其后河东守番系言：“漕从山东西，岁百余万石，更砥柱之限，败亡甚多，而亦烦费。穿渠引汾溉皮氏、汾阴下，引河溉汾阴、蒲坂下，度可得五千顷。五千顷故尽河壩弃地，民茭牧其中耳，今溉田之，度可得谷二百万石以上。谷从渭上，与关中无异，而砥柱之东可无复漕，天子以为然，发卒数万人作渠田。数岁，河移徙，渠不利，则田者不能偿种。久之，河东渠田废，予越人，令少府以为稍入。”

其后人有上书欲通褒斜道及漕事，下御史大夫张汤。汤问其事，因言：“抵蜀从故道，故道多阪，回远。今穿褒斜道，少阪，近四百里；而褒水通沔，斜水通渭，皆可以行船漕。漕从南阳上沔入褒，褒之绝水至斜，间百余里，以车转，从斜下下渭。如此，汉中之谷可致，山东从沔无限，便于砥柱之漕。且褒斜材木竹箭之饶，拟于巴蜀。”天子以为然，拜汤子卬为汉中守，发数万人作褒斜道五百余里。道果便近，而水湍石，不可漕。

其后庄熊黑言：“临晋民愿穿洛以溉重泉以东万余顷故卤地。诚得水，可令亩十石。于是为发卒万余人穿渠，自征引洛水至商颜山下。岸善崩，乃凿井，深者四十余丈。往往为井，井下相通行水。水颓以绝商颜，东至山岭十余里间。井渠之生自此始。穿渠得龙骨，故名曰龙首渠。作之十余岁，渠颇通，犹未得其饶。

自河决瓠子后二十余岁，岁因以数不登，而梁楚之地尤甚。天子既封禅巡祭山川，其明年，旱，乾封少雨。天子乃使汲仁、郭昌发卒数万人塞瓠子决。于是天子已用事万里沙，则还自临决河，沈白马玉璧于河，令群臣从官自将军已下皆负薪填决河。是时东郡烧草，以故薪柴少，而下淇园之竹以为楫。

天子既临河决，悼功之不成，乃作歌曰：“瓠子决兮将奈何？皓皓旰旰兮閭殫为河！殫为河兮地不得宁，功无已时兮吾山平。吾山平兮巨野溢，鱼沸郁兮柏冬日。延道弛兮离常流，蛟龙骋兮方远游。归旧川兮神哉沛，不封禅兮安知外！为我谓河伯兮何不仁，泛滥不止兮愁吾人？啮桑浮兮淮、泗满，久不反兮水维缓。”一曰：“河汤汤兮激潺湲，北渡污兮浚流难。塞长茝兮沉美玉，河伯许兮薪不属。薪不属兮卫人罪，烧萧条兮噫乎何以御水！颓林竹兮捷石菑，宣房塞兮万福来。”于是卒塞瓠子，筑宫其上，名曰宣房宫。而道河北行二渠，复禹旧迹，而梁、楚之地复宁，无水灾。

自是之后，用事者争言水利。朔方、西河、河西、酒泉皆引河及川谷以溉田；而关中辅渠，灵轺引堵水；汝南、九江引淮；东海引巨定；泰山下引汶水：皆穿渠为溉田，各万余顷。佗小渠披山通道者，不可胜言。然其著者在宣房。

太史公曰：余南登庐山，观禹疏九江，遂至于会稽太湟，上姑苏，望五湖；东窥洛纳、大邳，迎河，行淮、泗、济、漯洛渠；西瞻蜀之岷山及离碓；北自龙门至于朔方。曰：甚哉，水之

为利害也！余从负薪塞宣房，悲瓠子之诗而作河渠书。

〔注〕选自《史记》（中华书局校点本）。作者司马迁，西汉史学家、文学家和思想家，字子长，夏阳（今陕西韩城南）人。汉武帝时任太史令，完成了我国第一部纪传体的史学专著，人称其书为《太史公书》，后称《史记》。他早年曾遍游我国南北，所撰的《河渠书》历来为研究中国水利史和黄河水利史的人所重视。

# 沟 洫 志

班 固

夏书：禹堙洪水十三年，过家不入门。陆行载车，水行乘舟，泥行乘橇，山行则楫，以别九州；随山浚川，任土作贡；通九道，陂九泽，度九山。然河灾之羨溢，害中国也尤甚。唯是为务，故道河自积石，历龙门，南到华阴，东下底柱，及盟津、雒内，至于大伾。于是禹以为河所以从来者高，水湍悍，难以行平地，数为败，乃酺二渠以引其河，北载之高地，过泽水，至于大陆，播为九河，同为迎河，入于勃海。九川既疏，九泽既陂，诸夏乂安，功施乎三代。

自是之后，荥阳下引河东南为鸿沟，以通宋、郑、陈、蔡、曹、卫，与济、汝、淮、泗会。于楚，西方则通渠汉川、云梦之际，东方则通沟江淮之间。于吴，则通渠三江、五湖。于齐，则通淄济之间。于蜀，则蜀守李冰凿离堆，避沫水之害，穿二江成都中。此渠皆可行舟，有余则用溉，百姓飨其利。至于它，往往引其水，用溉田，沟渠甚多，然莫足数也。

魏文侯时，西门豹为邺令，有令名。至文侯曾孙襄王时，与群臣饮酒，王为群臣祝曰：“令吾臣皆〔如〕西门豹之为人臣也！”史起进曰：“魏氏之行田也以百亩，邺独二百亩，是田恶也。漳水在其旁，西门豹不知用，是不智也。知而不兴，是不仁也。仁智豹未之尽，何足法也！”于是以史起为邺令，遂引漳水溉邺，以富魏之河内。民歌之曰：“邺有贤令兮为史公，决漳水兮灌邺旁，终古舄鹵兮生稻粱。”

其后韩闻秦之好兴事，欲罢之，无令东伐。乃使水工郑国间说秦，令凿泾水，自中山西邸瓠口为渠，并北山，东注洛，三百余里，欲以溉田。中作而觉，秦欲杀郑国。郑国曰：“始臣为间，然渠成亦秦之利也。臣为韩延数岁之命，而为秦建万世之功。”秦以为然，卒使就渠。渠成而用（溉）注填阡之水，溉鹵之地四万余顷，收皆亩一钟。于是关中为沃野，无凶年，秦以富强，卒并诸侯，因名曰郑国渠。

汉兴三十有九年，孝文时河决酸枣，东溃金堤，于是东郡大兴卒塞之。

其后三十六岁，孝武元光中，河决于瓠子，东南注巨野，通于淮、泗。上使汲黯、郑当时兴人徒塞之，辄复坏。是时武安侯田蚡为丞相，其奉邑食郾。郾居河北，河决而南则郾无水灾，邑收入多。蚡言于上曰：“江河之决皆天事，未易以人力强塞，强塞之未必（顺）〔应〕天。”而望气用数者亦以为然，是以久不复塞也。

时郑当时为大司农，言“异时关东漕粟从渭上，度六月罢，而渭水道九百余里，时有难处。引渭穿渠起长安，旁南山下，至河三百余里，径，易遭，度可令三月罢，（罢）而渠下民田万余顷又可得以溉。此（捐）〔损〕漕省卒，而益肥关中之地，得谷。”上以为然，令齐人水工徐伯表，发卒数万人穿漕渠，三岁而通。以漕，大便利。其后漕稍多，而渠下之民颇得以溉矣。

后河东守番系言：“漕从山东西，岁百余万石，更底柱之艰，败亡甚多而烦费。穿渠引汾溉皮氏、汾阴下，引河溉汾阴、蒲坂下，度可得五千顷。故尽河壅弃地，民茭牧其中耳，今溉田之，度可得谷二百万石以上。谷从渭上，与关中无异，而底柱之东可毋复漕。”上以为然，发卒数万人作渠田。数岁，河移徙，渠不利，田者不能偿种。久之，河东渠田废，予越人，令少府以为稍入。

其后人有上书，欲通褒斜道及漕，事下御史大夫张汤。汤问之，言“抵蜀从故道，故道多阪，回远。今穿褒斜道，少阪，近四百里；而褒水通沔，斜水通渭，皆可以行船漕。漕从南阳上沔入褒，褒绝水至斜，间百余里，以车转，从斜下渭。如此，汉中谷可致，而山东从沔无限，便于底柱之漕。且褒斜材木竹箭之饶，拟于巴蜀。”上以为然。拜汤子卬为汉中守，发数万人作褒斜道五百余里。道果便近，而水多湍石，不可漕。

其后严熊言“临晋民愿穿洛以溉重泉以东万余顷故恶地。诚即得水，可令亩十石。”于是为发卒万人穿渠，自征引洛水至商颜下。岸善崩，乃凿井，深者四十余丈。往往为井，井下相通行水。水隤以绝商颜，东至山领十余里间。井渠之生自此始。穿得龙骨，故名曰龙首渠。作之十余岁，渠颇通，犹未得其饶。

自河决瓠子后二十余岁，岁因以数不登，而梁楚之地尤甚。上既封禅，巡祭山川，其明年，乾封少雨。上乃使汲仁、郭昌发卒数万人塞瓠子决河。于是上以用事万里沙，则还自临决河，湛白马玉壁，令群臣从官自将军以下皆负薪寘决河。是时东郡烧草，以故薪柴少，而下淇园之竹以为楫。上既临河决，悼功之不成，乃作歌曰：

瓠子决兮将奈何？浩浩洋洋，虑殫为河。殫为河兮地不得宁，功无已时兮吾山平。吾山平兮巨野溢，鱼弗郁兮柏冬日。正道驰兮离常流，蛟龙骋兮放远游。归旧川兮神哉沛，不封禅兮安知外！皇谓河公兮何不仁，泛滥不止兮愁吾人！啮桑浮兮淮、泗满，久不反兮水维缓。

一曰：

河汤汤兮激潺湲，北渡回兮迅流难。褰长茝兮湛美玉，河公许兮薪不属。薪不属兮卫人罪，烧萧条兮噫乎何以御水！隤林竹兮撻石菑，宣房塞兮万福来。

于是卒塞瓠子，筑宫其上，名曰宣防。而道河北行二渠，复



禹旧迹，而梁、楚之地复宁，无水灾。

自是之后，用事者争言水利。朔方、西河、河西、酒泉皆引河及川谷以溉田。而关中灵轺、成国、韦渠引诸川，汝南、九江引淮，东海引钜定，泰山下引汶水，皆穿渠为溉田，各万余顷。它小渠及陂山通道者，不可胜言也。

自郑国渠起，至元鼎六年，百三十六岁，而儿宽为左内史，奏请穿凿六辅渠，以益溉郑国傍高仰之田。上曰：“农，天下之本也。泉流灌浸，所以育五谷也。左、右内史地，名山川原甚众，细民未知其利，故为通沟渎，畜陂泽，所以备旱也。今内史稻田租挈重，不与郡同，其议减。令吏民勉农，尽地利，平繇行水，勿使失时。”

后十六岁，太始二年，赵中大夫白公复奏穿渠。引泾水，首起谷口，尾入栢阳，注渭中，袤二百里，溉田四千五百余顷，因名曰白渠。民得其饶，歌之曰：“田于何所？池阳、谷口。郑国在前，白渠起后。举为云，决渠为雨。泾水一石，其泥数斗。且溉且粪，长我禾黍。衣食京师，亿万之口。”言此两渠饶也。

是时方事匈奴，兴功利，言便宜者甚众。齐人延年上书言：“河出昆仑，经中国，注勃海，是其地势西北高而东南下也。可案图书，观地形，令水工准高下，开大河上领，出之胡中，东注之海。如此，关东长无水灾，北边不忧匈奴，可以省堤防备塞，士卒转输，胡寇侵盗，覆军杀将，暴骨原野之患。天下常备匈奴而不忧百越者，以其水绝壤断也。此功一成，万世大利。”书奏，上壮之，报曰：“延年计议甚深。然河乃大禹之所道也，圣人作事，为万世功，通于神明，恐难改更。”

自塞宣房后，河复北决于馆陶，分为屯氏河，东北经魏郡、清河、信都、勃海入海，广深与大河等，故因其自然，不堤塞也。此开通后，馆陶东北四五郡虽时小被水害，而兖州以南六郡无水忧。宣帝地节中，光禄大夫郭昌使行河。北曲三所水流之势皆邪